

皆大歡喜信受奉行

莊嚴諸佛世界是一切佛之所稱歎必坐道
場知是菩薩已坐道場如是菩薩已得菩薩
諸陀羅尼說此佛語法門之時聖龍威德上
王菩薩菩提分法皆悉滿足即時獲得無生
法忍二萬六千諸菩薩等得陀羅尼及諸三
昧八千比丘得無漏法復有八萬四千衆生
短二
皆發阿耨多羅三藐三菩提心即以神力雨
種種華供養世尊如來說是法門之時聖龍
威德上王菩薩及諸大衆天人阿脩羅迦樓
羅緊那羅摩睺羅伽等一切大衆聞佛所說

佛語法門經

佛說四不可得經

西晉三藏竺法護譯

聞如是一時佛遊於舍衛祇樹給孤獨園與
大比丘俱比丘千二百五十人及諸菩薩佛
明旦著衣持鉢入城分衛四輩皆從諸天龍

神各賣華香妓樂追於上侍佛道眼覩見兄弟同產四人遠家棄業山處閑居得五神通皆號仙人宿對來至自知壽盡悉欲避終各各思議吾等神足飛騰自恣在所至到無所罣礙今反當爲非常所得便危失身命當造方便免斯患難不可就之也於是二人則踊在空中而自藏形無常之對安知吾處一人則入市中人聞之處廣大無量在中避命無常之對趣得一人何必求吾一人則退入于大海三百三十六萬里下不至底上不至表

處於其中無常之對何所求耶一人則計竊至大山無人之處擘山兩解入中還合非常之對安知吾處於時四人各各避命竟不得脫藏在空中者便自墮地猶果熟落其在山中于彼喪亡在大海中則時天命魚鼈所食短二入市中者在于衆人而自終歿於是世尊觀之如斯謂此四人闇昧不達欲捨宿對三毒不除不至三達無極之慧古今以來誰脫此患佛則頌曰十四雖欲藏在空若處大海中假使入諸山

而欲自堅形 欲求不死地 未曾可獲之
是故精進學 無身乃爲寧

佛告諸比丘世有四事不可獲致何等爲四
一曰年幼顏色煒燁髮黑齒白形貌光澤氣
力堅強行步舉止出入自遊上車乘馬衆人
瞻戴莫不受敬一旦忽耄頭白齒落面皺皮
緩體重拄杖短氣呻吟欲使常少不至老者
終不可得二謂身體強健骨髓實盛行步無
雙飲食自恣莊飾頭首謂爲無比張弓殒矢
把執兵仗有所危害不省曲直罵詈衝口謂

爲豪強自計吾我無有衰耗病疾卒至伏之
著牀不能動搖身痛如榜耳鼻口目不聞聲
香美味細滑坐起須人汗露自出身卧其上
衆患難喻假使欲免常安無病終不可得三
謂欲求長壽在世無極得於病死命既甚短
懷萬歲慮壽少憂多不察非常五樂十五自恣放
心逸意殺盜淫亂兩舌惡口妄言綺語貪嫉
邪見不孝父母不順師友輕易尊長反逆無
道希望豪富謂可永存譏謗聖道以邪無雙
噓天推步慕于世榮不識天地表裏所由不

別四大因緣合成猶如幻化不了古今所興
之世不受倡導不知生所從來死之所歸心
存天地謂是吾計非常對至如風吹雲冀念
長生命忽然終不得自在欲使不爾終不可
得也四謂父母兄弟家室親族朋友知識恩
愛榮樂財物富貴官爵俸祿騎乘遊觀妻妾
子息以自憍恣飲食快意兒客僕使趨行綺
視顧影而步輕蔑衆人計已無雙奴客庸罵
獸類畜生出入自在無有期度不察前後謂
其眷屬從使之衆意可常得宿對卒至如湯

消雪心乃懷懷請求濟患安得如願呼嗚命
斷鬼神獨逝父母兄弟妻子親族朋友知識
恩愛皆自獨留官爵財物僕從各散馳走如
星欲求不死終不可得也佛告比丘古今以
來天地成立無免此苦四難之患以斯四苦
佛興于世設無此難不現身相教化群黎猶
如四方有洪石山廣大且高上生草木衆果
藥樹華實悉茂忽失野火四山俱發暴疾相
向速于日行有人白王說有此患寧可避乎
答曰不可得也天中之天唯有神通乃可濟

矣佛言有心意識不解深妙空無之慧心計
吾我五陰所縛六衰所惑欲不老病規拔此
惡分離之患志于常存終不可得唯成法身
陰衰悉蠲無內無外進退自在乃能免此四
難之患如春種穀令秋不熟終不可得殖老
病死別乖之本欲令不終不如志也猶樹生
短二
果欲使不落終不得也猶人飲酒欲使不醉
孰有獲願種斯根本欲令不終不可得也如
人服毒欲令不死誰有獲願種離根本欲令
不別終不可得也猶人入溷欲令不臭誰有

獲願殖老病死欲免斯患未有如願人不識
此四苦放心恣意歿沉五道猶如車輪不得
離地悲哀呼嗟轉相戀慕無有竟已猶如狂
逸裸形而遊恍惚妄語謂爲真諦痛哉誰了
此義唯有解道乃知之耳比丘白佛言何緣
免濟此四苦之難世尊告曰當求解脫何謂
解脫佛言護身口意初中竟善不爲聲聞行
身不犯三罪口不犯四過意不念三惡初中
竟善也又身口意和而歸三寶除于三毒入
空無相不願之法向三脫門是初中竟善之

德也三界皆苦生老病死視身如咎行于四等慈悲喜護不遵大慈無極之哀趣欲免身至于泥洹不念一切使得羅漢不及十方雖得免於四患猶有限礙佛言發菩薩意普令衆生常念遵六度無極之行初中竟善者謂發意菩薩也初亦善者視一切人如父如母如身常等無異中亦善者不畏勤苦在于生死無央數劫不以為勞竟亦善者分別空慧不見吾我又初亦善者本發大意願濟一切不為己計中亦善者行四等心慈悲喜護竟

短二

十七

亦善者弘無極慈欲導群黎遭諸惱患初亦善者觀身四大本無化合緣于無緣中亦善者無我無人無壽無命有斯四事則受身矣無緣無攀何從得因猶如立屋有材有土有水有草四事別離各散異處人合作舍因得屋名計身四事亦復如是各存一面心著所有我人壽命四大合成因號為人竟亦善者了知無身不倚三界一切悉空初亦善者布施持戒忍辱精進一心智慧之道中亦善者曉知六通之法入柔順法忍竟亦善者知身

自然諸法自然人物自然一切如化如幻計
皆本無初亦善者謂發無上正真之意中亦
善者解音響慧得無所從生不起法忍竟亦
善者逮一生補處勇猛之狀遊一切生觀無
所起救濟一切如日普照無所不徧是爲善
薩初亦善者中亦善者竟亦善者佛言行善
薩道多所度脫猶衆星中月而獨光光如日
初出一時悉徧猶如炬火在所如照療諸病
如良醫度群黎如船師安三界猶國主降異
道如師子道心普如虛空心等如地洗垢如

水燒諸罪如火遊無礙如風是爲初中竟善
菩薩之事乃爲究暢

佛說如是諸菩薩及衆比丘諸天龍神阿須
倫聞經莫不歡喜
佛說四不可得經

音釋

桓二

十

驛	千老切	廐	居祐切	瞬	舒閏切	技	無粉切
尺沼切	馬也	馬舍也	目動也	與	豆	切	迷
乾根也	粗	粗	其呂切	密	解也	豆	切
黠	胡八切	掾	俞絹切	擘	博厄切	毫	莫報切
猶涉切	據其據切	呼	翁	也	翁	許	及切
猶挾也	懼也	呼	翁	也	翁	許	及切